

## 2. Lede van mekaar

### **VERWELKOMING:**

**5 MIN**

### **YSBREKER:**

**20 MIN**

- Laat elkeen sê watter gawes hy/sy het. Laat die hele groep by elkeen byvoeg soos hulle dit beleef.
- Wat is die verskil tussen trots wees en hoogmoedig wees?
- Laat elkeen sê wat sy/haar grootste swakpunt is.

### **AANBIDDING:**

**5 MIN**

Besprek met mekaar die volgende: *Hoe is God vir jou soos 'n vriend*. Gee dan geleentheid vir stilgebed om hierdie naby verhouding met God te be-LEEF.

### **BYBELSTUDIE:**

**40 MIN**

Lees Romeine 12:3-5. Laat elkeen een vers hardop lees.

3 Kragtens die genade wat aan my gegee is, sê ek vir elkeen van julle: Moenie van jouself meer dink as wat jy behoort te dink nie. Nee, lê jou liever daarop toe om beskeie te wees in ooreenstemming met die maat van geloof wat God aan elkeen toebedeel het. 4 Ons het baie lede in een liggaam, en die lede het nie almal dieselfde funksie nie. 5 Net so is ons, al is ons baie, in Christus een liggaam, en almal afsonderlik lede van mekaar.

- Laat elkeen sê wat hom/haar in hierdie gedeelte getref het.
- Hoekom is dit nodig om beskeie te wees en nie meer van jouself te dink nie, as dit oor die geestelike gawes gaan?
- Waarom is die verskeidenheid van gawes belangrik?
- Die beeld van die geloofsgemeenskap as die liggaam van Christus is 'n baie belangrike en sterk beeld. Waarom is dit so belangrik dat ons "in Christus een liggaam" is?
- Wat beteken dit dat ons "lede van mekaar" is?
- Een van die beginsels wat die beeld van die liggaam baie duidelik oordra, is dié van eenheid in verskeidenheid. Dink julle hierdie beginsel is noodsaaklik dat God se droom vir ons gemeente kan waar word?
- Hoe sal ons groep en ons gemeente beter kan funksioneer wat betref die eenheid-in-verskeidenheid-beginsel?

### **DIENSWERK:**

**5 MIN**

Besprek julle dienswerkprojek in die gemeente.

### **GEBEDSRIGLYN:**

**10 MIN**

Watter mense is daar vir wie julle as groep kan bid?

Dink aan mense wat:

- Siek is
- Alleen is
- Swaar kry
- Voor moeilike keuses staan
- Afgedwaal het

Bid nou almal saam vir hulle.

**ADMINISTRASIE:**

**5 MIN**

---